

古賢小字錄

古賢小字錄序



夫人立身穹壤間皆有名者皆有字而其幼也不能無小字然小字之呼為父母者或因所感或有所為或表所愛多以義而起焉者雖古之明帝王良將相以及名儒碩士初未嘗無小字至如宋之制科取天下士而士之小字亦題於廷試錄其不輕忽於此也蓋可見矣搜訪陳先生思在宋以富學雄才稱秩居私閣遍讀史籍摘古人之小字纂次成編而其用心之勤稽古之博吁亦可尚也哉第其板刻寡傳而人獲觀之者少予舊蓄此集公暇取閱足以充見拓聞而獨喜先生于此一小節乃亦不肯忽而錄之以示後人爰代梓託壽席以表

良工之苦心也嗚呼小字人生之纖末耳尚有好古者
掇以成書而傳於天下後世則其人之道德文章功勳
節義有關於綱常風化益于國家生民者豈不有人錄
之以為範耶若夫奸諛佞譎而為吾道中之罪人者亦
未必無人紀之以垂戒萬世是則吾人之有生於一言
一動之微安可以不慎乎故君子必慎其獨而小人於
閒居多為不善殊不知鼓鐘於宮聲聞於外彼其是非
淑慝難掩於君子之洞察而垂芳遺臭之機判於此矣
因記繡梓之歲月涉筆有感而漫識如右同志者未知
以予言為然否

歲甲子春仲上浣崑山觀樵子吳大有書於壽治軒

古賢小字錄

成忠即緝熙殿國史實錄院秘書省搜訪官

陳思纂次

阿瞞

魏太祖武帝姓曹諱操字孟德漢相國參之後一名

吉利小字阿瞞魏本記

寄奴

宋高祖武帝姓劉諱裕字德興小字寄奴

車兵

宋少帝諱義符小字車兵武帝長子宋本紀

車兒



宋太祖文帝諱義隆小字車兒武帝第三子宋本紀

道民

宋世祖孝武帝諱駿字休龍小字道民文帝第三子宋本紀

法師

宋前廢帝諱子業小字法師孝武帝長子宋本紀

榮期

宋太宗明帝諱彧字休暎小字榮期文帝第十一子宋本紀

慧震

宋後廢帝諱昱字德融小字慧震明帝長子明帝諸

子在孕皆以周易益之即以所得故為小字故帝小

字慧震宋本紀

知觀

宋順帝諱準字仲謨小字知觀明帝第三子宋本紀

闕將

齊太祖高帝諱道成字紹伯小字闕將姓蕭氏齊本紀

龍兒

齊世祖武帝諱頤字宣遠小字龍兒高帝長子生建康縣之清溪宮將產之夕陳孝皇后昭皇后並夢龍據屋故小字為龍兒宋本紀

法身

齊廢帝鬱林王昭業字元尚小字法身父惠太子長子齊本紀

玄度

齊高宗明帝諱鸞字景柎始安貞王道生之子小字玄度齊本紀

練兒

梁高祖武帝諱衍字叔達小字練兒姓蕭氏漢相國何之後梁本紀

六通

梁太宗簡文帝諱綱字世讚小字六通武帝第三子梁本紀

七符

梁世祖武立帝諱繹字世誠小字七符武帝第七子梁本紀

法真

梁敬帝諱方智字慧相小字法真元帝第九子梁本紀

法生

陳高祖武帝諱霸先字興國小字法生姓陳氏漢太丘長寔之後也陳本紀

藥王

陳廢帝諱伯宗字奉業小字藥王文帝長子在位無人君之器太后稱文帝遺志廢為臨海王陳本紀

師利

陳高宗孝宣帝諱頊字紹世小字師利始興昭烈王
茅二子嘗被酒張燈而寢撫遠出尋反乃見帝是大
龍便驚走他室陳本紀

黃奴

陳後主諱叔寶字元秀小字黃奴宣帝長子陳本紀

那羅延

隋高祖文帝姓楊氏諱陞小字那羅延漢太尉震十
四世孫大統七年六月生於馮翊般若寺有尼來自
河東謂皇妣曰此兒所從來甚異不可於俗間處之
皇妣嘗抱高祖忽頭上出角遍体鱗起皇妣大駭墜

於地尼外入見曰已驚我兒致今晚得天下北史隋本紀

阿廢

隋煬帝諱廣小字阿廢高祖第二子高祖嘗密令善
相者來和視諸子和曰晉王眉上雙骨隆起貴不可
言及太子勇廢立為皇太子隋本紀

雉奴

唐高宗諱治事為善小字雉奴太子第九子始封晉
王太子承乾敗太宗陰許立魏王泰長孫無忌因欲
立晉王帝以太原石文有治萬古復從無忌帝猶謂
無忌曰公勸我立雉奴雉奴仁懦得無為宗社憂奈
何唐僕恭王傳

挑符

晉齊獻王攸字大猷小字挑符文帝第二子親賢好施愛任籍能屬文善尺牘特為文帝所寵愛每見攸輒撫床呼其小字曰此挑符座也晉本傳

智隨

宋武陵王贊字仲敷小字智隨明帝第九子宋本傳

闕梨

齊江夏王鋒字宣穎小字闕梨高祖第十二子工書為當時藩王所推南郡王昭業二稍工書嘗謂武帝曰臣書因應勝江夏王武帝荅曰闕梨第一法身茅二法身即昭業小名齊本傳

白澤

齊文惠太子長懋字雲喬小字白澤武帝長子齊本傳

維摩

梁昭明太子統字德施小字維摩武帝長子美姿容善舉止讀書數行並下過目皆憶梁本傳

四果

梁南康簡王續字世謹小字四果武帝第四子梁本傳

六真

梁邵陵携王綸字世調小字六真武帝第六子少聰穎博學善屬文尤工尺牘梁本傳

明進

隋衛昭王爽字師仁小字明進高祖異母弟 隋本傳

覲地代

隋房陵王勇小名覲地代文帝長子文帝受禪立為皇太子以罪廢黜追封房陵王 北史隋傳

益錢

隋庶人諒字德章小字益錢又幼字阿客文帝子開皇初封漢王後以罪出死 北史隋傳

阿陔

隋齊王暕字世拙小字阿陔煬帝子 北史隋傳

季子

隋趙王杲小字季子煬帝子 北史隋傳

毗沙門

唐隱太子建成小字毗沙門高祖子 唐本傳

三胡

唐巢刺王元吉小字三胡高祖子與建成謀作亂伏誅 唐本傳

漢

犬子

司馬相如字長卿成都人少名犬子好讀書學擊劍慕藺相如之為人乃更名相如 前漢本傳

鼎

匡衡字稚圭一曰衡小名鼎家貧好學諸儒為之語

曰無說詩匡鼎來匡語詩解人順衡少字鼎長乃易
字稚圭前漢本傳

童烏

楊稚子小字童烏九歲與雄論玄陸龜蒙
小名錄

魏

萬億

李通字文達江夏人小字萬億以俠聞于江汝之間
勇冠諸將為太祖所知卒謚剛侯魏志本傳

別成

傅幹字彥林漢陽太守燮子小字別成位扶風太守
世說
叙錄

晉

阿童

王濬字士治小字阿童為益州刺史時吳中童謠曰
阿童復阿童銜刀浮渡江不畏岸上獸但畏水中龍
羊祜聞之曰此必水軍有功但當思應其名者耳乃
表濬為監益州諸軍事加龍驤將軍竟平吳晉羊祜
傳

齊奴

石崇字季倫大司馬侍中苞子崇生於青州故小字
齊奴晉本傳

阿龍

王道字弘茂鎮軍司馬裁子小字阿龍少有風鑑識

量清遠位丞相進封始興都公卒謚文獻晉本傳
王丞相拜司空廷尉担爨作兩髻葛裙策杖路邊窺
之嘆曰人言阿龍超阿龍故自超不覺至臺門世說

阿太

王悅字長豫丞相導子小字阿太位吳王友中書侍
郎贈常侍始興貞世子世說錄

阿螭

王恬字敬豫丞相導子小字阿螭位吳國會稽內史
散騎常侍卒謚曰憲恬少好武不為公門所重導見
悅輒喜見恬更有怒色恬多技藝善奕碁為中興第
一晉本傳

大奴

王劭字敬倫丞相導子小字大奴位建威將軍尚書
僕射中領軍卒謚曰簡世說錄

小奴

王蒼字敬文丞相導子小字小奴位鎮軍將軍散騎
常侍贈衛將軍

王僧彌珉謝車騎玄共王小奴許集僧彌舉酒勸謝
云奉使君一觴謝曰可耳僧彌勃然作色曰汝故是
吳興谿中釣碣耳何敢譁張謝徐撫掌而咲曰衛軍
僧彌殊不肅者乃侵陵上國也世說錄

阿黑

王敦字處仲治書御史基子丞相導從父兄也小字
阿黑位大將軍

王大將軍始欲下都處分樹置先遣參軍告朝廷訊
旨時噴祖車騎逃尚未鎮壽春瞑目厲聲語使人曰
卿語阿黑何敢不遜催攝面去須臾不爾我將三千
兵槊腳令上王聞之而止世說

阿戎

王戎字濬冲貞陵侯渾子位司徒以功封安豐縣侯
薨謚曰元

阮籍素與渾友戎年十五阮曰濬冲清賞非卿倫也
與卿言不如與阿戎談世說

阿羗

王羲之字逸少淮南太守曠子小字阿羗位臨川太
守右將軍會稽內史卒贈金紫光祿大夫世說

阿齡

王胡之字修齡驃騎將軍廩子小字阿齡位司州刺
史世說

胡之治身清約以風操自居謝太傅安語劉惔阿齡
於此事故欲太厲劉曰三名士之高操者世說

虎牝

王彭之字安壽僕射彬子小字虎牝位黃門襲爵世說
錄叙

虎犢

王彪之字叔虎彭之弟小字虎犢位光祿大夫尚書令儀同三司卒謚曰簡

王右軍在南丞相導與書每嘆子姪不令云虎牝虎犢還其所如彪之年二十而頭鬚皓白時人謂之王白鬚少有局榦之稱世說

荆產

王徽字幼仁南鄉侯澄子小字荆產位右軍司馬劉惔云人想王荆產佳此想長松下當有清風耳世說

法護

阿瓜

王珣字元琳中領軍洽子小字法護又小字阿瓜位

前將軍司徒東亭侯卒謚獻穆謝太傅安領中書監王東亭有事應同上省王後至坐促王謝雖不通太傅猶欽容待之王神意間暢謝公傾目還謂劉夫人曰向見阿瓜故自未易有雖不相關正自使人不能已已世說

僧彌

王珉字季琰珣弟小字僧彌有才藝擅書名出兄右時人語曰僧彌難為兄法護難為弟代獻之為中書令時謂小令卒贈太常世說

阿奴

王濛字仲祖新淦令訥子小字阿奴位司徒左長史

劉惔撫王長史背曰阿奴比丞相導但有都長也都美
劉惔王長史坐長史酒酣起舞劉惔曰阿奴今日
不復減向子期穎向秀之任
率也世說

荀子

王修字敬仁司徒左長史濠子小字荀子明秀有美
稱善隸行書起家著作即轉中軍司馬晉本傳

劉惔至王長史許清言荀子年十三倚床邊聽既去
問父曰劉惔語何如尊長史曰韶音令辭不如我往
輒破的勝我世說

阿興

王蘊字叔仁修弟小字阿興位左將軍左僕射會稽

內史卒追贈光祿大夫

世稱荀子秀出阿興清和世說

阿訥

王坦之字文度尚書令述子小字阿訥位中書令北

中郎將左衛將軍襲封藍田侯卒謚曰憲世說

阿智

王處之字文將述子小字阿智州辟別駕不就世說

僧恩

王禕之字文劭述子小字僧恩位中書侍郎年未三

十而卒世說

駒

王愉字茂和小字駒晉尚書僕射江左冠族子綏二
有重名陸龜蒙
小名錄

佛大

王忱字元達坦之子小字佛大位建威將軍荊州刺
史卒贈右將軍謚曰穆

王佛大歎言三日不飲酒覺形神不復相親為吏部
郎嘗作選草臨當奏王僧彌來聊出示之僧彌得便
以已意改易所選者近半佛大甚以為佳更寫即奏
世說

寧

王恭字季伯左僕射蘊子小字寧位前將軍贈侍中

太保謚曰忠簡世說

齊

王廙字叔和蘊子小字齊世說

睹

王爽字季明蘊子小字睹位黃門侍郎寧朔將軍世說

叔

堅石

謝尚字仁祖咸亭侯鯤子小字堅石初為王導掾襲

爵咸亭侯鎮西將軍卒謚曰簡世說

虎子

謝據字元通吏部尚書裒第二子小字虎子號中郎

世說
末婢 叙 錄

謝琰字瑗度太傅安子小字末婢位輔國將軍以功封望蔡縣公會稽內史為孫恩所害贈侍中司空謚忠肅 世說

封

謝韶字穆度散騎常侍萬子小字封位車騎司馬 世說

胡兒 錄 叙

謝朗字長度安次兄據長子小字胡兒名亞於玄仕至東陽太守

謝太傅安雪寒日內集與兒女講論文義俄而雪驟公欣然曰白雪紛紛何所似兄子胡兒曰撒鹽空中差可擬兄女曰未若柳絮因風起公大笑樂即公大兄奕女名道蘊右將軍王凝之妻也 世說

過

謝玄字幼度鎮西將軍奕子小字過晉都督徐充青司冀出并七州軍事封康樂公卒謚獻武

謝太傅安因子弟集聚問毛詩何句最佳過稱曰昔我往矣楊柳依依今我來思雨雪霏霏公曰許謨定命遠猶辰告謂此句偏有雅人深致 世說

未

謝淵字叔度奕子小字末晉義興太守世說

益壽

謝混字叔源望蔡縣公琰子小字益壽襲爵歷中書令中領軍尚書左僕射以黨劉毅誅國除及宋武受禪謝晦謂劉裕曰陛下應天受命登壇日恨不得謝益壽捧匱散裕上嘆曰吾甚恨之使後生不得見其風流晉本傳

買得

桓冲字幼子散騎常侍彞子晉護南蠻校尉車騎將軍荊州刺史卒謚宣穆冲温弟也初彞亡後冲兄弟並少家貧母患需辛以解無由得之温乃以冲為質

羊主甚富言不欲為質幸為養買得即友冲為江州出射羊主於射堂邊看冲識之謂曰我買得也遂厚報之晉本傳

石頭

桓廕字伯道南郡公温子小字石頭為中徙長沙世說

叙錄

式

桓歆字叔道温子小字式臨賀公世說

靈寶

桓玄字敬道温孽子小字靈寶襲封南郡公年三十六伏誅其母馬氏常與温同輦夜坐月下見流星墜

銅盆中如寸二火珠競以瓢接取獨馬氏得而吞之
有感遂娠及生有光照室占者奇之故小名曰靈寶
晉本傳

桓宣武薨立五歲服始除桓車騎冲与送故文武别
因指立此皆汝家故吏佐立應齎慟哭酸感傍人車
騎每自目已生曰靈寶成人當以此坐還之鞠爰過
於所生 世說

鎮惡

桓石虔司空豁子小字鎮惡冠軍將軍作塘侯卒追
贈右將軍

石虔年十七八未被舉而童隸已呼為鎮惡即嘗往

宣武齋頭從征枋頭車騎冲沒陣左右莫敢先救宣
武謂曰汝叔落賊汝知否石虔聞之氣甚奮命朱辟
為副策馬於數萬衆中莫有抗者徑取冲還三軍嘆
服河朔後以其名斷虜 世說

豹奴

桓嗣字恭祖車騎將軍冲子小字豹奴領江夏相追
贈南中郎將謚曰靖

桓豹奴是王丹陽外甥

王丹陽混字奉正晉丹陽尹

形似其舅桓

甚諱之宣武亡不恒相似時似耳恒以是形時似是
神恒逾不悅 世說

桓修字承祖仲子小字崖龍驤將軍為劉裕所誅
桓玄素輕桓崖在京下有好桃玄連就求之遂不
得佳者玄與殷仲文書以為嗤笑曰德之休明肅慎
負其楛矢如其不爾籬壁間物之不可得也世說

子野一云野王

桓伊字叔夏譙國人錄小字子野一云野王累遷豫
州刺史贈右將軍少有才藝善音律為王濛劉惔所
知有蔡邕打亭笛嘗自吹

王子猷出都尚在渚下舊聞桓子野善吹笛而不相
識遇桓於岸上過王在船中客有識之者云是桓子
野王便令人與相聞云聞君善吹笛試為我一奏桓

時已貴顯素聞王名即便回下車踞胡床為三調弄
畢便上車去客主不交一言世說

阿恭

庾會字會宗太尉亮子小字阿恭年十九為蘇峻所
害

庾太尉風儀偉長不輕舉止時人皆以為假亮有大
兒數歲雅重之質便自如此人知是天性溫太真嘗
隱慢怛之乃兒神色恬然乃徐跪曰君侯何以為此
論者謂不減亮或云見阿恭知元規非假世說

道恩

庾羲字義叔亮子小字道恩晉吳國內史世說

道季

庾懃亮子小字道季晉中領軍世說

赤玉

庾統字長仁衛將軍懃子小字赤玉少有令名仕至
建成將軍潯陽太守

簡文帝曰庾赤玉者率治除謝仁祖常云庾赤玉胸
中無宿物世說

玉臺

庾友字惠彥又字弘之司空永弟三子小字玉臺晉
中書郎東陽太守

庾玉臺希之弟也希誅將及玉臺玉臺子婦宣武弟

拒谿女也徒跣求進閤禁不內女厲聲曰是何小人
我伯父門不聽我前因笑入號泣謂曰庾玉臺常因
人脚短三寸當復能作賊不宣武笑曰堵故自急遂
原玉臺一門世說

倪

庾倩字少彥冰子小字倪晉太宰長史世說

園客

庾爰之字仲真車騎將軍翼子小字園客有父風仕

至輔國將軍

庾翼為荊州臨終自表其子園客自代朝廷慮其不
送命未知所遣乃共議用拒溫劉惔曰使伊去必能

剋定西楚恐不可復制後果如快言世說

嘉賓

郝超字景興司空愔子小字嘉賓晉中書侍郎司徒左長史超少有才氣越世負俗不循常檢時人為一代盛譽語曰盛德日新郝嘉賓江東獨步王文叔世說

字文叔世說

倉

郝融字景山愔子小字倉世說

阿乞

郝恢字道胤東安伯曇子小字阿乞襲爵征虜將軍秦州刺史贈鎮軍將軍世說

羊

袁喬字彥叔光祿大夫瓌子小字羊龍驤將軍湘西伯卒追贈益州刺史謚曰簡

表羊嘗詣劉恢曰內眠未起表因作詩調之曰角枕粲文茵錦衾爛長筵善風詩曰角枕粲兮錦衾爛兮予美亡此誰與獨旦表故之嘲劉尚晉明帝女主見詩不平曰袁羊古之遺狂

虎

衛玠字叔寶黃門郎恒子小字虎晉太子洗馬世說

袁宏字彥伯臨汝令勗子小字虎晉陽東郡守時號袁開美故王子敬詩云袁生開美度桓公入洛過淮泗踐北境子諸僚屬登平乘樓眺矚中原慨然曰遂

使神州陸沉百年丘墟王夷甫諸人不得不任其責
袁虎率爾對曰運自有廢興豈必諸人之過桓公惛
然作色顧謂四座曰諸君頗聞劉景升不有大牛重
千斤噉芻豆十倍於常牛負重致遠曾不若一羸將
魏武入荊州烹以饗士卒于時莫不稱快意以况袁
四座皆駭袁亦失色 世說

阿訥

許詢字玄度小字阿訥 世說

暎

先生名邁字叔玄許副第四子小名暎清虛懷道遊
棲物外故自改名遠遊子王右軍父子周旋于敵乃

修在三之敬 真誥

揆

長史名謚字思玄一名穆許副第五子少知名儒雅
清素博學有才章長史三男長男名川小名揆 真誥

虎牙

許長史中男名駢字元暉小名虎牙謝安為護軍引
為功曹除永康令衛尉丞晉康太守不之官又為輔
國司馬 真誥

玉斧

許長史小男名翹字道翔小字玉斧幼有珪璋標挺
長史器異之郡舉止計掾簿並不赴清秀瑩潔糠粃

塵務居雷平山下修業勤精常願早遊洞室不欲久
停人世遠詣北洞告終真誥有云瓊刃者譬許椽小
名也真誥

嗣伯

許確字義玄副第七男小名嗣伯梗槩有大度好學
出為桓溫揚州從事謝安衛軍參軍隨謝玄討苻堅
有功封都鄉侯真誥

道助

吳坦之字處靖堅子小字道助濮陽人仕至西中郎
功曹世說

附子

吳隱之字處默坦之弟小字附子兄弟居在丹陽郡
俱有孝行後遭母喪童夫人艱朝夕哭臨及思至賓
客弔省號踊哀絕路人為之落淚韓康伯時為丹陽
尹母揚州刺史殷浩之妹在郡隣居每聞二吳之哭
輒為悽惻語康伯曰汝若為選官當好料理此人康
伯亦甚相知韓後果為吏部尚書大吳不免制哀小
吳遂大貴世說

阿源

殷浩字淵源光祿勳羨子小字阿源晉中軍將軍揚
州刺史

桓公語嘉賓阿原有德有言向使作令僕足以儀刑

百揆朝廷用遠其才身世說

胡奴

陶範字道則太尉侃第十九子小字胡奴諸子中最

知名歷尚書秘書監

袁宏始作東征賦都不道桓公胡奴誘之狹室中臨

以白刃曰先公勲業如是君作東征賦何相忽畧宏

窘蹙無計便答我大道公何以云無因誦曰精金百

鍊在割能斷功則治人職思靖亂長沙之勲為史所

讚世說

盧奴

江數字仲凱僕射廟子小字盧奴凱歷內外簡退著

稱位瑯琊內史驃騎咨議參軍王恭欲請江盧奴為

長史晨往詣江猶在帳中王坐不敢即言良久乃

得及江不應直喚人取酒自飲一盃又不与王且

笑且言那得獨飲江云卿亦復須耶更使酌与王

飲酒畢因得自解去未出戶江曰人自量因為難世說

阿奴

周謨字叔治浚子小字阿奴兄顛字伯仁尚書左僕

射次兄嵩字仲智

周伯仁母冬至舉酒賜三子曰吾本謂度江託足無

所尔家有相尔等並羅列吾前復何憂周嵩起長跪

泣曰不如阿母言伯仁為人志大而才短名重而識

闇好乘人之弊此非自全之道焉性狼抗不容於世唯阿奴碌、當在阿母目下耳世說

僧奴

孫騰字北海餘抗令統子小字僧奴仕至廷尉世說

盤龍

劉毅字希樂彭城人小字盤龍仕晉至都督淮南五郡諸軍事初桓玄在南州起齋悉画盤龍齋毅小字

盤龍至是遂居之晉本傳

驎

張湛字處度小字驎張驎酒後好挽歌甚悽苦車騎桓冲曰卿非田橫門人何故頓尔至歌世說

期生

褚爽字弘茂秘書監歆子小字期生晉義興太守贈

金紫光祿大夫世說

武生

毛穆之字憲祖征虜將軍寶子小字武生晉本傳

長生

李暹字玄盛隴西成化人小字長生晉涼武昭王晉本傳

獨活

張天錫字化嘏駿少子也小名獨活曾祖軌永嘉中為涼州刺史值京師大亂遂據涼土天錫篡位自立

為涼州牧自執為涼州至天錫凡九世七十六年符
堅使姚萇攻沒涼州天錫歸長安堅以為侍中後以
壽陽俱敗遂南歸拜散騎常侍西平公世說

蝮

曹茂之字永世小字蝮少府卿曼子仕至尚書郎

庾道季云廡頗相如維千載上死人懍之常如有生

氣曹蝮李志志字濕祖仕至員外常侍南康伯雖見在厭之如九泉

下人皆如此便可結繩而治但恐狐狸獐貉噉盡

世說

元龍

盧循字子先司空從事中郎湛之曾孫小字元龍晉

征虜將軍廣州刺史平越中郎將晉本傳

宋

阿荅

王蘊字彥深大中大夫楷子小字阿荅宋湘州刺史

給事黃門侍郎言陽侯伏誅世說

童烏

王綯字長素太傅或子小字童烏宋秘書丞卒謚曰

恭世說

道兒

謝述字景先宣城內史允子小字道兒宋吳興太守

左將軍劉湛並与述為異常之交述美風姿善舉止

湛每謂人曰我見謝道兒未常足 宗本傳

客兒

謝靈運太傅玄孫秘書郎瑛子小字客兒襲封康樂公永嘉太守臨川內史元嘉十年伏誅 世說

阿連

謝惠連給事方明子小字阿連宗彭城王義康法曹

參軍 世說

阿多

謝曜晉黃門郎思子小字阿多宗御史中丞 世說

佛佛

褚澹之字仲原晉義興太守燕子小字佛佛位尚書

吏部廷尉卿左衛將軍謚曰質宗武帝以舊功愛之會稽郡有闕朝議欲用蔡廓為之武帝曰彼自是蔡家佳兒何關人事可用佛佛乃用澹之為會稽太守 宗本傳

阿壽

劉敬宣字萬壽鎮北將軍牢之子小字阿壽為青州都督諸葛長民貽書敬宣曰盤龍狼戾專姿夷滅異端將盡世路方夷富貴之事相子共之敬宣遣使進呈高祖謂王誕曰阿壽故為不負我也 宗本傳

愍孫

袁粲字景倩父早卒祖袁其孤幼名之曰愍孫宗尚

書令開府儀同三司司徒宋本傳

班獸

劉湛字弘義小字班獸太祖自豫州長史詔為太子詹事兼給事時彭城王義康專執朝權而湛昔為上佐遂以舊情委心自結晚節驅煽義康陵轢朝廷上謂所親曰劉班初自西還吾与語常曰早晚慮其當去此人一看日早晚慮其不法湛小字班獸故云班也遷丹陽尹詹事如故後謀亂伏誅宋本傳

道民

劉穆之字道和小字道民宋尚書左僕射前將軍追封南康郡王謚文宣宋本傳

干木

徐羨之字宗之小字干木時傳亮任寄隆重朝廷典儀皆取定于亮蔡廓徵為吏部尚書因地傳隆問亮選事亮以語錄尚書徐羨之羨之曰黃門郎以下悉以委蔡吾徒不復厝懷自此以上固宜共參同異廓曰我不能為徐干木署低尾遂不拜干木羨之小字也宋本傳

仙童

徐湛之字孝源司空羨之從孫小字仙童幼孤為武帝所愛范曄等謀及湛之始与之同後發其事為曄等款辭所連有司以湛之闕豫疑黨請免官削爵付

廷尉上不許湛之詣關上書請罪上優詔不許始曄
付廷尉入獄然後知為湛之所發後與謝綜等隔壁
遙問綜曰疑誰所告綜曰不知曄乃稱湛之小名曰
乃是徐童也 宋本傳

磚兒

范曄字蔚宗車騎將軍泰子小字磚兒母如廁產之
額為磚所傷故以磚為小字少好學善為文章位左
衛將軍太子詹事與謝綜等謀反伏誅 宋本傳

梨樞

張敷字景胤小字樞父劭字茂宗小字梨字文帝戲
曰樞何如梨敷對曰梨是百果之宗樞何敢及也 宋

本傳

約

傅瑗字叔玉晉御史中丞咸孫小字約仕至安成太
守 世說

女生

魯爽小字女生扶風郡人南歸仕至豫州刺史加都
督 宋本傳

天念

魯秀爽弟小字天念仕魏太武與南歸文帝悅以
爽為司州刺史秀為滎陽潁州二郡太守孝武即位
以為司州刺史加都督領汝南太守 宋魯爽傳

長生

劉凝之字隱安小名長生宋朝隱逸不仕 宋隱逸傳

阿舒

阿宣

雍 端 通

宗徵士陶潛集載責子詩曰白髮被兩鬢肌膚不復實雖有五男兒總不好低筆阿舒已二八懶惰故無匹阿宣行志學而不愛文術雍端年十三不識六与七通子垂九齡但覓寒与粟天運苟如此且進杯中物

舒名儼宣名侯雍名份端名佚通名佟皆小名也

齊

彥孫

王粹字景深豫章侯僧綽子小字彥孫齊黃門侍郎 世說

史公

表彖字偉才字左僕射顓子小字史公齊侍中卒謚曰靖 世說

苟兒

張敬兒南陽冠軍人父醜為郡將始其母于田中卧夢犬子有角紙之因感而有娠而生敬兒故初名苟兒字明帝嬖苟兒名鄙改為敬兒位至開府儀同三

梁

迦葉

蕭蔭字靜藝小字迦葉善屬文猶好古律高祖每稱其小字嘆曰子弟如迦葉吾復何憂累遷開府儀同中書令侍中 梁本傳

養

王泰字仲通冠軍將軍慈子小字養梁驍騎將軍益曰夷 世說

炬

王筠字元礼大中大夫揖子小字炬梁太子詹事 世說

文殊 錄叙

王訓字懷範國子祭酒暕子小字文殊梁侍中卒謚温子 世說叙錄

阿士

劉孝綽字孝綽齊大司馬從事中郎繪子小字阿士七歲能屬文勇齊中書郎王融深賞異之親友號曰神童融每曰天下文章若無我當歸阿士 梁本傳

阿堆

任昉字彥升樂安人齊中散大夫遙子小字阿堆幼而聰敏早稱神悟八歲能屬文從叔晷有知人之量

見而稱其小名曰阿堆吾家千里駒也仕梁至太常

東里 西華
南容 北叟

任昉有四子東里西華南容北叟並無術業墜其家聲兄弟流離不能自振生平舊交莫有收卹西華冬著葛帔練裙道逢平原劉孝標泫然矜之謂曰我當為卿作計乃著廣絕交論以譏其舊友劉溉見其論抵几於地終身恨之東里位尚書外兵郎

僧伽

劉之遴字思真虬子小字僧伽八歲能屬文虬曰此

兒必以文興吾宗時有沙門僧惠有異識每詣虬必呼之遴小字曰僧迦福德兒握手而進之仕梁位都

官尚書太常卿

陳

僧悅

徐陵字孝穆侍中摛子善屬文為兒時小字僧悅陵年數歲家以携以候沙門釋寶誌摩其頂曰天上石麒麟也位至光祿大夫太子少傅特進

蠻奴

任忠字奉誠小字蠻奴詭譎多計畧膂力過人尤善騎射累以戰功進領南將軍

陳本傳

後趙

棘奴

冉閔字永曾小字棘奴石季龍養孫也父瞻字弘武本姓冉名良魏郡內黃人也閔幼而果銳季龍撫之如孫及長身長八尺善謀策勇力絕人

前秦

肩頭

符堅字永固一名文王雄之子也小字肩頭祖洪從石季龍徙鄴家于永貴里堅生背有赤文隱起成字曰草付臣又土王咸陽臂垂過膝目有紫光洪奇而愛之名曰肩頭

晉載記

前燕

鳳凰

慕容冲小字鳳凰符堅之戚燕慕容冲姊偽清河公主年十四有殊色堅納之寵冠後庭冲年十二亦有龍陽之姿堅又幸之妙弟爭寵官人莫進長安歌之曰一雌復一雄雙飛入紫宮咸懼為亂王猛切諫堅乃出冲長安又謠曰鳳凰鳳凰止阿房堅以鳳凰非梧桐不棲非竹食不食堅乃植梧桐數十萬株於阿房以待之冲小字鳳凰至是終為堅賊入止阿房城焉

晉載記符堅傳

後燕

惡奴

慕容農小字惡奴垂第三子 晉載記

秃頭

慕容雲字子雨寶之養子也父名拔姓高氏小字秃頭三子而雲李也初童謠曰一束蒿兩頭然秃頭小兒來滅燕蒿字上有草下有禾兩頭然作禾草俱盡而成高字垂少子燕竟為雲所滅如童謠焉 晉載記

後魏

烏頭

房法壽小字烏頭清河東武城人幼孤少好射獵仕至魏郡太守以功封壯武侯 本傳

白頭

盧景裕字仲儒太常丞靜子小字白頭少敏專經為學謙恭守道貞素自得位中書郎除國子博士 本傳

柰

畢衆敬小名柰少好弓馬仕宋至泰山太守後北歸皇興初拜散騎常侍兗州刺史賜爵東平公 本傳

陀兒

畢義雲衆敬子小字陀兒少粗俠文宣受禪累遷御史中丞後為司徒左長史 本傳

真奴

李訢字元盛小字真奴范陽人父崇率十郡歸降太

武甚礼之以為幽州刺史固安侯訢位至司空 本傳

秦玉

楊愔字遵彦小字秦玉神武時位至行臺右丞 本傳

黃頭

游雅字伯度小字黃頭太武時為秘書監卒贈相州

刺史謚曰宣侯 本傳

繼伯

李崇字繼長小字繼伯文成元后第二兄誕之子襲

爵陳留公鎮西大將軍 本傳

記祖

鄺範字世則范陽人小字記祖少給事東宮累遷尚

書右丞平東將軍青州刺史假范陽公卒謚曰穆 本傳

桃簡

崔浩字伯源白馬公宏長子小字桃簡少好文學博

覽經史玄象陰陽百家之書無不閑綜研精義理位

至侍中特進領軍大將軍左光祿大夫世祖朝被誅

浩之姻親盡夷其族 本傳

周兒

崔頤小名周兒位至冀州刺史始崔浩與冀州刺史

崔頤滎陽太陽崔模年皆相次浩恃其家世常侮頤

模：謂人曰桃簡正浩為長次模次頤三人別祖而

模頤為親可欺我何合輕我家周兒耶浩小名桃簡

頤小名周兕世祖頗聞之故誅浩時二家獲免本傳

陽烏

盧淵字伯源平東將軍度世子小字陽烏敦尚書業位至秘書監贈安北將軍幽州刺史謚曰懿本傳

洪崖

盧敏字仲通淵弟小字洪崖少有大量太和初拜議郎早卒贈威遠將軍范陽太守謚曰靖

師顏

盧昶字叔達淵弟小字師顏學涉經史早有時譽位至太常卿進號鎮西將軍加散騎常侍卒謚曰穆

羨夏

盧尚之字季儒昶弟小字羨夏亦以儒業見重位光祿大夫卒贈散騎常侍安東將軍青州刺史

皮

裴駿字神駒小名皮弘農太守夔碩子幼而聰慧親表稱為神駒因以為字弱冠通涉經史崔浩深器之目為三河領袖位中書侍郎

金

盧仲宣儀曹郎中觀弟小名金才學優洽兄弟俱以文章顯位至太尉

巨引

于謙字思敬小字巨引沉深有識量畧窺經史尤好

孫子兵書位至雍州牧薨贈加使持節太史雍恒等
二十州諸軍事謚曰文

夜叉

元叉字伯雋江陽王繼長子小名夜叉靈太后臨朝
以叉妹夫除通直散騎常侍後位至尚書令侍中

冀婦

長孫稚字承業小名冀婦年六歲襲爵降為公高祖
以其幼承家業賜名稚字承業聰敏有才藝累以戰
功遷太傅俱本傳

北齊

須拔

趙郡王琛字元寶齊神武皇帝之弟子叡小名須拔
幼孤聰慧夙成特為神武所愛養於宮中襲爵南趙
郡公天保二年出為定州刺史六州大都督時年十
七稱為良牧

佛助

魏收字伯起鉅鹿人小字佛助少機警年十五能屬
文天保中詔撰魏史表而上之

桂

李喬字徽伯小字桂性溫直太和中為頓丘相豪右
畏之齊神武大丞相諮議參軍參定策功封固安伯
為侯軍大將軍陝州刺史周文帝攻剋州城見害

皮

封隆之字祖裔小名皮寬和有度量累遷河內太守
齊神武贈太保謚宣懿

搔

封繪字仲恭隆之子小名搔釋褐秘書郎累遷平陽
太守徵補大行臺吏部郎中文襄徵拜儀同三司右
僕射卒謚簡子 俱本傳

後周

沙門

王軌小字沙門漢司徒兄之後世為州郡冠族高祖
即位頗有戰功周文帝遇之甚厚以功進位上將軍

鄰國公

永貴

宇文貴字永貴：母初孕夢老人抱一子授之曰賜
爾是子俾壽且貴及生形類所夢故以永貴字之歷
位大司徒遷太保

沙彌

王晞字叔朗小名沙彌幼而孝謹好學不倦魏神武
補中外兵曹參軍齊天保初行太原郡事齊亡周武
帝以晞為儀同大將軍開皇元年卒 俱本傳

蘭成

庾信字子山父肩吾梁太子中庶子小字蘭成幼而

俊邁聰敏絕倫有天竺僧呼信為蘭成因以為小字
西魏留長安周孝閔帝踐祚拜洛州刺史後作哀江
南賦有王子洛濱之歲蘭成射策之年陸龜蒙小名錄

隋

洪兒

李敏字樹生小字洪兒父崇為幽州總管突厥所圍
死之高祖以其父死王事養于宮中及長襲爵肅宗
公起家左千牛敏美姿儀善騎射從征高麗加光祿
大夫或言敏一名洪兒煬帝疑洪字當識嘗面告之
其引決由是大懼敏數與金才等屏人私語宇文
述知而奏帝乃伏誅

釋奴

盧思道字子行祖陽烏淵小字父道亮隱居不仕思道
小字釋奴聽爽俊辯才學兼著左僕射楊彥薦之於
朝直中書省周武平齊授儀同三司開皇初徵為散
騎侍郎

龍子

盧昌衡字子均魏尚書僕射道虔子小字龍子風神
澹雅容止可法博涉經史從弟思道小字釋奴宗中
俱稱英妙故幽州為之語曰盧家千里釋奴龍子齊
受禪太子舍人遷金部郎中周武平齊授司王中士
隋開皇初拜尚書祠部侍郎仁壽中授儀同三司大

業初徵為太子詹事 俱本傳

唐

阿買

韓退之集載醉贈張秘書詩人皆勸我酒我若耳不聞今日到君家呼酒持勸君為此座上士及余各為文君詩多態度藹春空雲東野動驚俗天葩吐奇芬張籍學古談軒昂避雞群阿買不識字頗知書八分詩成使之寫亦足張吾軍 云云 或問黃魯直阿買是退之何人魯直曰是退之姪必有據也

阿宜

杜牧之集載冬至日寄小姪阿宜詩小姪名阿宜未

得三尺長頭圓筋骨緊兩臉明且光去年學官入竹馬遠四廊指揮群兒輩意氣何堅剛 云云

添丁

盧仝生子名曰添丁欲為國持役也

龜兒

白樂天集載見小姪龜兒詠燈詩并臘孃製衣因寄行簡已知臘子能裁服復報龜兒解詠燈巧婦才人常薄命莫教男女苦多能 俱本傳

五代

通達

李昭嗣字益光武皇母弟代州刺史克柔之假子小

字通達不知族姓所出少事克柔頗謹願雖形貌眇小而精悍有膽畧位侍中書令莊宗即位贈太師隴西郡王

留得

李繼韜昭嗣子小字留得

陽五

周德威字鎮遠小字陽五朔州馬邑人德威身長面黑咲不改容凡對敵列陣凜然有肅殺之風同光初追贈太師配享莊宗廟

鐵山

薛志勤蔚州奉誠人小字鉄山初為獻祖帳中親信

武皇定雲中授右牙都校後以功為大同軍防禦使檢校司空乾寧初為昭義軍節度使

雲即

王都本姓劉小字雲即中山陘邑人太原王處直養為己子後奪據父位遷太尉侍中周玄豹見之曰王都形似鯉魚難免刀机明宗即位加中書令以其奪據父位深心惡之後以謀叛自焚

生鐵

張敬達字志通代州人小字生鉄少以騎射著名明宗即位拜檢校太尉應州節度使清泰中自彭門移鎮平陽加檢校少傅末帝詔以敬達為北面行營都

招討使以定州節度楊光遠副焉以軍敗為安審琦
楊光遠斬敬達首以降晉俱舊五代史唐傳

阿檀

楊光遠字德明小字阿檀其先沙陀郡人也事莊宗
為騎將明宗朝歷媯瀛冀易四州刺史累加檢校少
傳將兵戍蔚州晉高祖舉義兵於太原唐末帝遣光
遠與張敬達屯兵于城下俄而契丹大至為其所敗
光遠與次將安審琦殺敬達歸命高祖少帝嗣位冊
拜太師封壽王謀叛逆拉殺之五代史晉傳

鐵胡

安重榮小字鐵胡朔州人有力善騎射為振武邊

指揮使晉高祖起太原使張頴陰招重榮高祖即位
拜成德軍節度使後以反叛斬首晉高祖漆其首送
於契丹五代史晉傳

宋朝

樵夫

趙曦尚書右丞上交子小字樵夫官至著作郎三朝國史

虎兒

蘇轍字子由生子遠小字虎兒東坡集載虎兒詩云
舊聞老蚌生明珠未省老兔生於菟老兔自謂月中
物不騎快馬騎蟾蜍蟾蜍爬沙不宜行坐令青衫垂
白鬚於菟駿猛不類渠指揮黃熊駕黑羆砂丹紫射

不用塗眼光百步走妖狐妖狐莫誇智有餘不勞搖
牙咀爾徒

東坡文集

米友仁字元暉禮部外郎元章子小字虎兒位至兵
部侍郎敷文閣待制幼年山谷贈詩云我有元暉古
印章印刻不忍與諸郎虎兒筆力能扛鼎教字元暉

繼阿章

文集

梁羅

蘇遲小名梁适小名羅並子由子東坡詩載端午游
真如遲适遠從子由在酒局云一與子由別卻數七
端午隨身綵絲繫心與昌獨苦今年匹馬來佳節日
夜數兒童喜我至典衣具雞黍水餅既懷鄉飯筒仍

慙楚謂言必一醉快作西川語寧知是官身糟麴困
董耆獨携三子出古剎訪禪祖高談付梁羅詩律到
阿虎

遠小名

歸來一調笑慰此長齟齬

東坡文集

